

LASA ETA ZABALAREN BAHIKETA, TORTURA ETA HILKETA TALDE ANTOLATU BATEN EKINTZA IZAN ZELA DIO

ETAren aurka aritzea «erabaki politikoa» izan zela dio akusazioaren txostenak

■ 'Lasa-Zabala kasuko' akusazio partikularrak atzo aurkeztu zuen behin-behineko txostena Entzutegi Nazionalen

■ ETAren kontra aritzeko erabakia «politikoa» izan zela eta bertan guardia zibil talde batek parte hartu zuela dio txostenak

■ Galindo eta Elgorriagarentzat 124 urte eskatzen dituzte; Vaquero, Dorado eta Bayorentzat 122; Verarentzat 10, eta Argoterentzat 4

Axun Erzibengoa / Donostia

LASA eta Zabalaren auziko akusazio partikularrak atzo aurkeztu zuen behin-behineko txostena Madrilgo Entzutegi Nazionalen. Iñigo Iruin eta Fede Saenz de Santamaria abokatuak osatzen dute akusazio partikularra Joxean Lasa eta Joxi Zabala gazte tolosarren amen izenean. Aipatu txostenak 48 orri ditu, eta bertan kasu horretan auzipetuta dauden Julen Elgorriaga Gipuzkoako gobernadore zibil ohiak, Enrique Rodriguez Galindo jeneralak, Angel Vaquero kapitainak, Enrique Dorado eta Felipe Bayo guardia zibil ohiak, Rafael Vera Estatua-ren Segurtasunerako zuzendari ohiak eta Jorge Argote abokatuak, auzian auzipetuta dauden zazpi lagunek, Lasa eta Zabalaren bahiketa, tortura eta hilketan izaniko ustezko parte hartzea azaltzen dute.

Txostenaren hasieran, Iparraldean ETAren aurka aritzeko erabakia Espainiko Gobernuaren eta PSOEren «erabaki politikoa» izan zela azaltzen du txostenak. Fiskalarekin alderatuz akusazioak nabarmendu dituen puntuak nabarmendu zituen Iñigo Iruin abokatuak

Hala, honela azaltzen dute: «Barne eta Defentsa Ministerioak beharrezko ikusten zuten ETAren aurka aritzeko legez kanpoko metodoak erabiltzea». CESIDek izaniko inplikazioa azaltzen dute, eta sortutako taldeak GAL izena hartu zuela. Talde horrek erakunde armatu gisa jokatu zuela adierazi ostean, bertan Guardia Zibileko zenbait kide, bereziki Donostiako Intxaurrendoko kuartelekoak bazirela azpimarratzen dute.

Lasa eta Zabalaren bahiketa ez zela momentuko egoerari lotutako gertaera konkretua izan ere frogatu daitekeela uste dio Iruinek. Horregatik,



Iñigo Iruin eta Fede Saenz de Santamaria, akusazio partikularreko abokatuak, artxiboko argazki batean.

1983ko azken hiru hilabeteetan izandako gisa bereko beste zenbait ahalegin aipatzen dituzte.

Lasa eta Zabalar buruz, txostenak dio Bayok eta

Doradok bahitu eta Donostiako La Cumbre jauregira eramane zitzutela. Galindo, Vaquero eta Elgorriaga guztia jakitun izan zirela gaineratzen du. Galdeketen

ondorioz bi gazte tolosarrek zituzten lesioengatik Galindok Alacantera eramane eta hiltzeko agindu zuela azaltzen du. Jorge Argotek, eta Rafael Verak gertaerak sos-

tengatu zituztela azaltzen dute.

Lasa eta Zabala desagertu ondorengo hilabeteetan Toloaldean izaniko atxiloketak eta Mikel Goikoetxearen heriotza bi gazte tolosarrendik lortutako informazioarekin lotuta daudela ere uste du akusazioak, eta ahozko epaiketan hori frogatzen saiatuko direla azaldu zuen Iruinek.

Ehun lekuko baino gehiago

Behin-behineko txostenean, ahozko epaiketari begira, ehun lekuko baino gehiagok deklaratzeko eskatzen du akusazio partikularrak, horien artean, Emilio Alonso Manglano CESIDeko zuzendariak, Juan Alberto Perote CESIDeko kideak, Pedro Gomez Nieto Guardia Zibileko sarjentuak eta Luis Roland Guardia Zibileko zuzendari ohiak.

Horretaz gain, forentseen deklarazioak eta zenbait elkarriketa ere entzun daitezkeen eskatzen du akusazioak.

delituak eta eskaerak

Ehun urtetik gorako eskaerak bost auzipeturentzat

■ Espetxe zigorrak gain, denen artean biktima bakoitzaren senideei 75 milioi pezetako kalte-ordaina ematea eskatzen dute, eta Estatua egiten dute ordezkotzule.

Julen Elgorriaga • 12 urteko espetxe zigorra eskatzen diote, talde armatuko kide izateaz akusatuta. Hamabost urte legez kanpoko bi atxiloketetatik bakoitzeko, sei urte bi tortura delituetatik bakoitzeko eta 30 urte hilketa delitu bakoitzeko. Guztira 114 urte dira, baina tortura ordez lesio larrien delitu gisa hartuz gero 124 urtekoa da eskaera. Berdin gertatzen da Galindoren kasuan.

Enrique Rodriguez Galindo • Talde armatuko kide izateagatik 12 urte; 30 urte legez kanpoko bi atxilotzerengatik,

sei urte bi tortura delituetatik bakoitzeko, eta hogeita hamar urte hilketa delitu bakoitzeko. Fiskalaren kasuan legez kanpoko atxilotzea eta lesioak ez ditu terrorismo delituen barruan sartzen, horregatik fiskalak 92 urte eskatu zituen Galindo eta Elgorriagarentzat.

Angel Vaquero • Hamar urteko zigor eskaera talde armatuko kide izateagatik; 12 urte bi tortura delituegatik eta hamabost legez kanpoko bi atxiloketetatik bakoitzeko. Hilketak delitu bakoitzeko 30 urte. Guztira 112 urte edo 122 lirake, tortura edo lesio delitua hartzen den kontutan, eta berdin Bayo eta Doradoren kasuan.

Felipe Bayo • Talde armatuko kide izateagatik 10 urte; 30 urte legez kanpoko bi atxilotzerengatik; sei urte bi tortura

delituetatik bakoitzeko, eta hogeita hamar hilketa delitu bakoitzeko.

Enrique Dorado • Hamar urte talde armatuko kide izateaz akusatuta; 15 urte legez kanpoko atxilotze delitu bakoitzeko; 12, bi tortura delituegatik eta 30 hilketa delitu bakoitzeko.

Rafael Vera • Babes ematearen bi delituegatik hiru urteko eskaera bakoitzeko. Diru publikoa bidegabe erabiltzearen delituagatik lau urte eta sei hilabeteko eskaera. Bayo eta Doradok hitz egin ez zezaten Barne Ministerioako diru bereziak erabili zituela dio txostenak. Guztira hamar urte eta erdiko eskaera.

Jorge Argote • Babes ematearen bi delituegatik bi urteko eskaera bakoitzeko, guztira lau urte.